



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliag nr. 01.31.06/07-00245 pillugu ataasinngornermi ulloq 28. maj 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 16. maj 2007-imi ataatsimiinneranni imm. 2d)

Aningaasanut inatsimmi kontop 64.12.06-ip, Erngup nukinganik misissueqqissaarnernut tunngasup, allannguutissaanut siunnersuut

Naalakkersuisut **inassutigaat**,

Kontomi pingaarnermi 64.12.06-mi, Erngup nukinganik misissueqqaarnernut tunngasumi, aningaasaliissutit 2007-mi 10.286.000 koruuninik amerlineqassasut aamma

Kontomi pingaarnermi 80.00.00-mi, sanaartornermut sillimmatinut atugassanngortinneqanngitsunut tunngasumi, aningaasaliissutit 2007-mi taakku amerlaqataannik 10.286.000 koruuninik ikilineqassasut.

Aningaasaqarnermut Ataatsimiititaliap oqaaseqaatai

Paamiuni erngup nukinganik nukissiorfiliornissap ingerlanneqannginnissaanik aalajangerneq tunngavigalugu aningaasaliissutinik nuussinissaq Naalakkersuisut suliami matumani qinnutigaat. Taamaaliornikkut aningaasat atugassiissutigineqarsinnaalissapput, taakkulu taarsiullugu Ilulissat Nuullu eqqaanni erngup nukinganik nukissiorfiliorfigineqarsinnaasunik misissueqqaarnernut atorneqarnissaat qinnutigineqarluni.

Erngup nukinganik nukissiorfik tullertut sananeqartussatut eqqarsaatigineqartoq Ilulissani 2010-p missaani sananeqassasoq naatsorsuutigineqarpoq.

Pilersaarutit allanngornerisigut missingersuutinik nutaamik naliliinerit 2008-mi aningaasanut inatsisissatut siunnersuummut Naalakkersuisunit ilanngunneqarnissaat Aningaasaqarnermut Ataatsimiititaliamit naatsorsuutigineqarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua